

LATIHAN 2: SUMBER MORAL BERDASARKAN AGAMA, KEPERCAYAAN DAN NORMA MASYARAKAT

Berdasarkan buku teks atau penggunaan Internet, cari sumber rujukan yang sesuai bagi setiap agama atau kepercayaan di bawah sebagai panduan amalan dalam kehidupan.

Sesungguhnya Allah menyuruh berlaku adil dan berbuat kebaikan dan memberi bantuan kepada kaum kerabat dan melarang daripada melakukan perbuatan yang keji dan mungkar serta kezaliman. Ia mengajar kamu (dengan suruhan dan larangan-Nya ini) supaya kamu mengambil peringatan mematuhi-Nya.

(Surah an-Nahl 16:90)

Pemikiran manusia sukar diawasi dan akan sentiasa mengembara sesuka hati. Oleh itu, seseorang yang bijaksana sentiasa sedar akan pemikirannya sama ada pemikiran baik atau tidak. Pemikiran yang baik akan selalu membawa kebahagiaan.

(Dhammapada Ayat 36)

Apabila kamu mengadakan jamuan, jemputlah mereka yang miskin, kelaparan, tidak larat dan buta, kamu akan dirahmati. Walaupun mereka tidak dapat balas balik kebaikan kamu, kamu akan dibayar ketika hari pembalasan.

(Luke 14:13-14)

Saya baik kepada mereka yang baik kepada Saya; saya baik kepada mereka walaupun mereka benci kepada Saya. Apa yang Saya beri, Saya akan terima. Sehingga semua menjadi baik.

(Tao Te Ching 49:2)

Seorang Sikh yang berjuang untuk mendekatkan diri dengan pencipta, akan mengamalkan nilai-nilai murni, mencari nafkah dengan jujur dan berkhidmat demi kemanusiaan supaya dapat meninggalkan bumi ini sebagai satu tempat yang lebih baik daripada apa yang diwarisinya dahulu.

(Sri Guru Granth Sahib halaman 1245)

Setiap peranan yang dipikul mempunyai tanggungjawabnya. Laksanakan tanggungjawab anda sebaiknya tanpa mengharpkan balasan. Anda mempunyai hak untuk melaksanakan tugas yang ditetapkan, tetapi anda tidak berhak mendapatkan hasil tugas tersebut. Jangan sekali-kali menganggap diri anda sebagai punca hasil tugas tersebut, mahu pun mengelak diri daripada melakukan tanggungjawab anda. Memenuhi tanggungjawab anda adalah satu ibadah.

(Bhagavad Gita Bab 2: Ayat 47)

TP2 Menerangkan sumber moral atau kepercayaan yang menjadi asas kepada prinsip moral

Belum menguasai ☐

Menguasai ☐